

Hoofstuk 16

Johannes Lodewikus van der Walt (f8)

(1866 – 1933)



Hans van der Walt



Annie van der Walt
(geb. Strydom)

J L van der Walt

J Y Strydom

In hierdie hoofstuk

Hans en Annie

Susara Catharina Johanna Magdalena – bl. 412

Andries Johannes – bl. 413

Martha Helena – bl. 415

Johanna Jacoba – bl. 417

Susanna Lyseia – bl. 419

Daniel Jacobus – bl. 420

Oriëntasie

Hans van der Walt is gebore op Nooitgedag in die Distrik Middelburg in die Oos-Kaap in 1866 en hy sterf te Heidelberg Transvaal in 1933 in die ouderdom van 67 jaar. Hy was 'n klipdresseerdeer en bouer.

Hy en Annie Strydom was albei 19 jaar oud toe hulle in 1885 trou. Annie is gebore in 1866 en was 64 jaar oud toe sy in 1930 oorlede is. Hulle was 44 jaar getroud en het ses kinders en dertien kleinkinders gehad.

Hans veg in die Anglo-Boereoorlog en gaan in September 1900 oor die grens na Mosambiek. Hy word geïnterneer en word uiteindelik in Peniche in Portugal aangehou. Annie was in die konsentrasiekamp te Howick met die ses kinders.

Genealogiese gegewens

f8 VAN DER WALT Johannes Lodewikus: *Middelburg Dist. KP Nooitgedag 19.3.1866¹; ≈GKSA Middelburg, KP 12.8.1866²; †Heidelberg Tvl. 12.11.1933³; #Heidelberg Kloof Begraafplaas⁴.

x Heidelberg Tvl. 23.11.1885⁵; STRYDOM Johanna Jacoba: *Destydse Dist. Heidelberg Tvl. Misgund 18.5.1866⁶; †Heidelberg Tvl. 13.6.1930⁷; #Heidelberg Kloof Begraafplaas⁸. Dogter van Daniel Jacobus STRYDOM en Susara Catharina Johanna Magdalena LINDEQUE.

Jeug

Hans is gebore op die plaas Nooitgedagt in die Distrik Middelburg in die huidige Oos-Kaap in 1866. Hy is gedoop in die Gereformeerde Kerk Middelburg KP. Die doopgetuies was "Johannes Lodewyk van der Walt, Margaretha Jacoba Sophia Lessing, Johannes Christiaan van der Walt, Johanna Alida Buys".

Hy bring sy jeugjare deur op plase in die omgewing van Middelburg KP en Steynsburg. Hy trek saam met sy ouers vroeg in 1883, toe hy amper 17 jaar oud was, na die Transval en gaan woon op die plaas Rietfontein in die destydse Distrik Heidelberg, maar tans in die Distrik Krugersdorp. Die plaas is naby Muldersdrif geleë.



Annie se ma:
Susara Catharina Johanna
Magdalena Strydom
(Geb. Lindeque)

Hy trou op 23 November 1885 met Annie Strydom. Sy is gebore op 18 Mei 1866 op die plaas Misgund in die destydse Heidelberg Tvl. Distrik. Sy is blykbaar vernoem na 'n jonger suster van haar moeder. Sy word groot op die plaas Misgund nr. 56.

Annie kom vanuit 'n geslag Voortrekkers. Haar ouers was Daniel Jacobus Strydom en Susara Catharina Johanna Magdalena Lindeque wat op Misgund gewoon het. Hulle het albei die Groot Trek as kinders meegevoer.

Haar oupa, Johannes Matthys Strydom (1796 – 1882), het vanaf die Wyk Traka in die Distrik Beaufort getrek⁹.

Haar oupa aan moederskant, Petrus Lindeque, (c. 1802 - ?) was getroud met Martha Maria du Preez. Hulle storie is in Hoofstuk 8. Petrus vertrek vanaf Winterhoek, Uitenhage¹⁰ op die Groot Trek. Hy neem deel aan die Slag van Bloedrivier¹¹.

Annie se oupa Petrus Lindeque het die plaas Misgund, wat net suid van Johannesburg geleë is, uitgemeet in 1853. Hy is egter oorlede voordat die plaas aan hom toegeken kon word en sy vrou, Martha, ontvang die plaas formeel in 1859. Na baie onderverdelings van die plaas, woon Annie se ouers op 'n gedeelte en sy erf een-eelfde aandeel daarin na haar ma se dood in 1902. Sy verkoop haar aandeel op 13 Julie 1904.



Die huisie te Pretoriusstraat 2 soos dit in 2010 gelyk het.
Foto: Rudi du Preez.

Woonplekke

Dit kom voor asof Hans na sy huwelik vanaf Rietfontein na Misgund getrek het. Die oorlewing in die familie is dat hulle van Misgund af na Heidelberg getrek het, moontlik teen 1890/91.

Teen die uitbreek van die Anglo-Boereoorlog het hulle reeds in Heidelberg gewoon. Hans en Annie woon vir 'n tydperk tot sy dood in Pretoriusstraat 2, Heidelberg. Dit is net noord van die Gereformeerde Kerk en net oorkant die huis van sy skoonseun Roelf du Preez.

Eiendom

Hans het op verskillende tye verskillende gedeeltes van Erf 80 in Heidelberg Tvl. aangekoop. Die erf is geleë tussen Begeman- en Pretoriusstraat en was blykbaar aanvanklik in geheel die eindom van die Gereformeerde Kerk. Op 16 April 1904 koop Hans 'n gedeelte van Erf 80 wat hy tot sy dood behou¹². Volgens Hans se testament en boedelstukke was sy huis op 'n gedeelte van Erf 80, Pretoriusstraat, Heidelberg¹³. Dit kan moontlik hierdie gedeelte wees.

Op 4 Mei 1918 koop Hans nog 'n gedeelte van Erf 80 en dit behou hy ook tot sy dood¹⁴. Dieselfde geld vir nog gedeeltes wat hy op 29 Augustus 1919 en 24 Julie 1920 koop¹⁵.

Volgens 'n inventaris was die boedel £701.10.0 groot. Die los goedere sluit 'n koei, twee verse, 'n perd, 'n perdekar en orrel in.

Beroep

Hans het volgens oorlewering in die familie op 'n tydstip transport gery. Hy was egter veral gemoeid met die voorbereiding van sandklip vir bouwerk. Hy het volgens mnr. Hans Strydom¹⁶, 'n broerskind van Annie, opleiding by 'n Nederlander ontvang in die dresseer van klippe. Hy het, onder ander, die klippe voorberei vir die bou van die Hoër Volkskool.

Kerk

Hans en Annie was 'n lidmate van die Gereformeerde Kerk en te Heidelberg en Hans was koster en ouderling.




Die Anglo-Boereoorlog

Dit is nie bekend of Hans aan die Eerste Vryheidsoorlog deelgeneem het nie. Mnr. Hans Strydom¹⁷ vertel dat Totius (Dr. J D du Toit) by Hans-hulle oorgebly het wanneer hy in Heidelberg kom preek het. Hans het hom glo op 'n keer na Majuba geneem en aan hom die verloop van die geveg uitgewys.

Hans was 33 jaar oud toe die Anglo-Boereoorlog uitbreek. Dit is nie bekend in watter kommando hy geveg het nie. In September 1900 bevind hy hom in Komatiopoort. Hy het toe nie meer perde nie¹⁸ en steek saam met baie Boere op 22 tot 23 September 1900¹⁹ die grens oor na Mosambiek om te verhoed dat hy deur die Engelse gevange geneem word. Hulle word deur die Portugese geïnterneer. Die storie van hierdie Van der Walts in die Anglo-Boereoorlog is aangeteken in die vorige hoofstuk.

Na die vredesluiting moes Hans ook die eed van getrouheid aan die Britse Kroon aflê, soos tewens aanbeveel deur genl. Louis Botha. Die



Gedenkteken in die Konsentrasiekamp Kerkhof, Heidelberg, gebou deur Hans.

Foto: Rudi du Preez.



Vier geslagte: Agter: Hennetjie Coetzee en haar ma, Sarie du Preez.
Voor: Annie met Rina van Hennetjie



Agter: Hans, Sarie, Klein, Pollie en Poppie
Voor: Andries en Danie

geinterneerde het op 5 Augustus 1902 weer in Kaapstad aangekom.

Diegene wat ouer as 16 jaar was en in Kaapstad ontskeep het, is eers in die Bellevue krygsgevangenkamp in Simonstad aangehou. Op 12 Augustus het die meeste van hulle weer die kamp per trein verlaat en op 17 Augustus 1902 in Pretoria aangekom. Hulle is eers weer in konsentrasiekampe aangehou en daarna vrygelaat.²⁰

Hans se vrou, Annie, en die ses kinders, is ook aangehou en het op 26 Januarie 1901 vanaf die dorp Heidelberg in die konsentrasiekamp te Howick aangekom. Hulle is aangeteken as Johanna Jacoba van der Walt (33 jaar, 7 maande), Susan Catharina (14 jaar), Andries Johannes (12 jaar), Martha Helena (10 jaar), Johanna Jacoba (8 jaar), Susanna Louisa (6 jaar) en Daniel Jacobus (2 jaar). Daar is in die register van die konsentrasiekamp aangeteken dat die man "John Ludovic" is en dat hulle nie vaste eiendom besit nie.²¹


Op 22 Augustus 1902 kom Hans in die konsentrasiekamp Howick aan om sy vrou en kinders te kom haal. Hy en sy oudste dogter, Sarie, vertrek op 20 Oktober 1902 na Heidelberg en die res van die gesin op 24 Oktober²².

Die gesin

Hans en Annie het ses kinders gehad, soos volg:

- Susara Catharina Johanna Magdalena (Sarie), getroud met Roelof Johannes du Preez.
- Andries Johannes (Andries), getroud met Anna Martha Catharina Kruger en daarna met Elsie Catharina Le Roux.
- Martha Helena (Klein), getroud met Nicolaas Tjaard du Plessis en daarna met Cornelius van der Merwe.

- Johanna Jacoba (Pollie), getroud met Albertus Johannes Barend Deysel.
- Susanna Lyseia (Poppie), getroud met Pieter Jacobus Gerhardus Vermeulen, van wie sy skei.
- Daniel Jacobus (Danie), getroud met Anna Elizabeth van der Merwe.



Laaste lewensjare

Op 13 Junie 1930 is Annie oorlede weens bloedvergiftiging wat sy opgedoen het tydens die slag van 'n bees. Sy was 64 jaar oud.

Op 15 September 1933 het Hans sy testament aangevul. Die huis, wat Danie sou erf, moes vir 'n jaar na sy dood verhuur word en die geld moes aan Hans se oudste dogter, Sarie, wat net oorkant die straat gewoon het, betaal word. Die kontant wat in die bankrekening oorby nadat sy skuld vereffen is, moes ook na Sarie gaan, behalwe haar gewone deel van die boedel. Dit kom dus voor asof sy hom tydens siekte versorg het, want Hans is op 12 November 1933 oorlede aan huis van Sarie²³. Hy was 67 jaar oud.

Hulle is begrawe in die begraafplaas in Heidelberg Kloof in een graf met 'n enkel grafsteen. Die graf is naby aan A G Visser, die digter, se graf.

Huweliksertikaat van Hans en Annie²⁴

No.	Wanneer gehuwd.	Volle naam der gehuwdien.	Ouderdom.	Waargeboren.	Conditie.	Met of zonder Huwelijks-voorwaarden.	Woonplaats tijdens het huwelijk.	Na huwelijks-afkondiging of met licentie.	Met wiens Consent.
14	23 November 1885	Johannes Lodewyk van der Walt en Johanna Jakoba Stydom	19	Middelburg Jonken, Kaapkolonie	Land, Z.O.R.	Driefontein Heidelberg	Gebore Kloof	Pretoria	

Dit huwelijk is aangegaan door bovenstaande personen, en bevestigd door mij
op heden, den 23ste dag van November 1885.

In presentie van de ondertekende getuigen:—

Getuigen—

1. J.J. Herman
2. J.J. Stydom

J.J. D.W. Walt

J.J. Stydom


Die eerste grond wat Hans in Heidelberg gekoop het										TAB RAK 1503			
EDELL PORTION			Dorp of Nederseetting Township or Settlement			Heidelberg				D.L.D. 140.			
O.P.-S.3300—1956-7—100,000. S.	Erf of Perceel No. Erf or Plot No.	Grootte Area	Dorp of Nederseetting Township or Settlement							Folio	Vervolffolios Continuation Folios		
	80	23 Rds 5 ft								1589/64	80/1/1		
skywing No. Entry No.	No. van Akte No. of Deed.	Datum- Date.	Hoeve, Holding.	Van In- sky- wing. From Entry.	Grootte, Area.	Transportgewer. Transferor.	Transportnemer en Identifikasie. Transferee and Identification.			Verbande Laste Bonds Charges.	Servitute, etc. Servitudes, etc.	Minus Inskrywing Minus Entry.	Restant, Remainder.
1	3128	16/4/64	Ptw	840 23 ft 5	geaffycante	Johannes Lodewyk van der Walt.						2	
2	10029	6/9/64	"	1 23 ft 5	Est lakk A.C.	Daniel Preezus van der Walt.						3	
3	291	12/11/65	"	2 "	Da van der Walt	Pet Retief deyoen						4	
4	22882	18/11/62	"	3 "	Breyke PR Wynen	Pet Retief deyoen 24/11/62 (unary).							
							23.8.1963			GADA. P. OK. 1			
										GGOG. 220/1163			

*Hans van der Walt en
Annie se kinders*

Susara Catharina Johanna Magdalena

van der Walt (g1)

(1886 – 1949)



R J du Preez

Oriëntasie

Roelf du Preez (1877 – 1961) word 83 jaar oud. Hy was die derde kind en oudste seun van Gerhardus du Preez en Maria van Vuuren. Roelf het eers geboer. Hy was daarna skryner en messelaar en het as messelaar by enkele myne gewerk.

In 1906 trou hy op 28-jarige ouderdom met Sarie van der Walt wat toe 20 jaar oud was. Sy is gebore in 1886 en was 63 jaar oud toe sy in 1949 oorlede is. Hulle het vyf kinders gehad.

Roelf neem deel aan die Anglo-Boereoorlog as lid van die Heidelberg Kommando. Sarie was, saam met haar moeder, in die Howick konsentrasiekamp.

Nota:

Roelf en Sarie en hul gesin se storie is in Hoofstuk 17. Die bronverwysings is in daardie hoofstuk aangebring.



S. C. J. M. du Preez.

Genealogiese Gegewens

h3 DU PREEZ, Roelof Johannes: *10.12.1877; ~Pretoria GKSA 21.4.1878; †Nigel Dist. Dunnottar 12.8.1961; # Heidelberg Tvl. Nuwe Begraafplaas.

x Heidelberg Tvl. 11.9.1906: VAN DER WALT, Susara Catharina Johanna Magdalena: *Johannesburg Dist. 30.8.1886 ~Pretoria GK 20.11.1886, †Heidelberg Tvl. 16.9.1949, #Heidelberg Tvl. Nuwe Begraafplaas. Dogter van Johannes Lodewikus VAN DER WALT en Johanna Jacoba STRYDOM.

Andries Johannes van der Walt (g2)

(1888 – 1975)



Oriëntasie

Andries van der Walt (ook Omie genoem in die familie) is gebore in 1888 en is oorlede in 1975 toe hy 87 jaar oud was. Hy was 'n onderwyser.

Andries trou in 1913, toe hy 25 jaar oud is, met die 20-jarige Anna²⁵ Kruger. Anna is gebore in 1893. Hulle het geen kinders gehad nie.

Andries trou in 1920 met Ellie le Roux. Sy was voorheen getroud met Abraham Burger Ellis en hulle het een kind gehad. Andries en Ellie was vir 55 jaar getroud en het drie kinders gehad.

Genealogiese gegewens

g2 VAN DER WALT, Andries Johannes: *Heidelberg Tvl. 19.06.1888²⁶; †Viljoenskroon 16.09.1975²⁷. ID8806195003001.

x Johannesburg GKSA 15.07.1913: KRUGER, Anna Martha Catharina²⁸: *c. 1893²⁹.

xx c. 1920³⁰ Delareyville: LE ROUX, Elsie Catharina³¹.

[Elsie Catharina le Roux was voorheen getroud:

x: ELLIS, Abraham Burger.]

Lewensloop

A.J. v.d.Walt

Andries is gebore op 19 Junie 1888 en dit word aangedui dat die geboorteplek Heidelberg Tvl.³² is. Hy is vernoem na sy oupa aan vaderskant.

Andries was 12 jaar oud toe hy as deel van die gesin in die konsentrasiekamp te Howick opgeneem is op 26 Januarie 1901 en het daar gebly tot 24 Oktober 1902. Hy lê belydenis van geloof af in die Gereformeerde Kerk Heidelberg Tvl. op 29 Julie 1904.

Die 25-jarige Andries trou in 1913 met die 20-jarige Anna Martha Catharina Kruger. Haar identiteit kon nog nie verder bepaal word nie. Daar is onder andere twee moontlikhede waarna by die eindnota by haar naam onder die genealogiese gegewens verwys word. Andries en Anna het blykbaar nie kinders gehad nie.

E. & J. v.d. Walt

Daarna trou die 32-jarige Andries in 1920 met die weduwee Ellis, Elsie Catharina le Roux. Sy was voorheen met Abraham Burger Ellis getroud en hulle het 'n seun, Jacobus Charles (Jack) Ellis gehad. Sy het voor haar huwelik in Balfour gewoon. Hulle het 'n huwelikskontrak aangegaan op 17 Maart 1920.

Andries het in 'n stadium grond in Heidelberg Tvl. besit en verhandel³³. In 1916 koop hy 'n gedeelte van Erf 50 en verkoop dit weer in 1921. Hy koop ook 'n gedeelte van Erf 51 en verkoop dit in twee dele aan sy swaer Roelf du Preez en Klaas Bonsma in 1922. Op 5 Junie 1921 koop hy 'n gedeelte van Erf 80 van sy swaer Roelf du

Preez en verkoop dit in 1925 aan sy broer Danie. Op 26 Julie 1921 koop hy 'n ander gedeelte van Erf 80 en verkoop dit ook aan sy broer Danie in 1925.

Andries was 'n onderwyser. Hy was lank die burgemeester van Balfour. Die gesin het in Balfour gewoon. Daar word in die Gereformeerde Kerk Heidelberg se lidmateregister aangedui dat hulle in April 1921 lidmate is³⁴ en dat hulle vanaf Balfour na Krugersdorp vertrek in Augustus 1945³⁵. Op 20 Februarie 1968 onderteken hulle 'n testament te Carletonville waarin hulle aandui dat hulle van die Oog van Wonderfontein nr. 34 is.

Andries en Ellie het blykbaar drie kinders gehad:

- Johannes Lodewyk (*Balfour 8.10.1924), getroud met Hester Johanna Cornelia Catharina Roux.³⁶
- Johanna Jacoba, getroud met Pn Boshoff.³⁷
- Monica (*27.8.1938), getroud met Johannes Izak Josephus Cronjé.³⁸

Andries sterf op 16 September 1975 te Viljoenskroon. In daardie stadium het hulle op Potchefstroom gewoon in 'n "ouetehuis", Samuel Broadbent House in Du Plooystraat 66³⁹. Ellie oorleef hom. In die boedel was R39548.83.

Martha Helena van der Walt (g3)

(1890 – ?)



Oriëntasie

Martha Helena, Klein genoem, is gebore in 1890. Haar sterfdatum kon nie bepaal word nie. Sy trou met Nicolaas⁴⁰ du Plessis. Hy is gebore in 1877 en oorlede in 1926 toe hy 48 jaar oud was. Hy was 'n boer. Hulle het nie kinders gehad nie.

Klein trou daarna met Cor van der Merwe. Hy is gebore in 1889 en oorlede in 1965 toe hy 76 jaar oud was. Hy was 'n onderwyser. Hulle het geen kinders gehad nie.

Genealogiese gegewens

g3 VAN DER WALT, Martha Helena: *1.12.1890⁴¹; ≈Heidelberg Tvl. GK 11.1.1891⁴²; †? maar na 1965⁴³.

x Heidelberg Tvl.: DU PLESSIS Nicolaas Tjaard: *3.9.1877⁴⁴; †Johannesburg Algemene Hospitaal 5.01.1926⁴⁵. Seun van Joseph A DU PLESSIS en Magrieta J DU PLESSIS.

xx Lichtenburg: VAN DER MERWE Cornelis (Cornelius): *Krugersdorp c. 06.1889; †Rustenburg 15.7.1965⁴⁶. Seun van J A VAN DER MERWE en J M VAN DER MERWE.

Lewensloop

m. H. v.d. Merwe .


Klein is gebore op 1 Desember 1890 en is gedoop in die Gereformeerde Kerk Heidelberg Tvl. op 11 Januarie 1891. Die doopgetuies was "Stephanus Niklaas Venter (en) Hester Sophia van der Walt" – 'n tante aan vaderskant en haar man. Klein is vernoem na haar ouma aan vaderskant. Sy was 10 jaar oud toe sy saam met haar moeder en die ander kinders opgeneem is in die konsentrasiekamp te Howick op 26 Januarie 1901 en het daar gebly tot 24 Oktober 1902.

<p><i>x5 Martha Helena, geb. 1 December 1890 oud. Johannes Lodewicus van der Walt Johanna Jakoba Strydom</i></p>	
<i>1891</i>	<i>Get. Stephanus Niklaas Venter Hester Sophia van der Walt</i>
Uittreksel uit die Doopregister van die Gereformeerde Kerk Heidelberg, Tvl.	

Haar eerste huwelik is met Nicolaas Tjaard du Plessis wat gebore is op 3 September 1877. Nicolaas het geboer in die omgewing van Sannieshof op die plaas Ruigtevlei nr. 243 waarvan hy 500 morg besit het. Teen sy dood besit hy ook 248 morg van Sandvlei nr. 63. Nicolaas bekom in 1921 'n gedeelte van Erf 80 te Heidelberg Tvl. en dit word in sy boedel oorgedra aan Klein in 1926⁴⁷. Sy verkoop dit aan haar swaer, Roelf du Preez, in 1935.

Nicolaas was 13 jaar ouer as Klein en dit is dus moontlik dat daar 'n eerste huwelik kon gewees het, maar geen gegewens daaroor kon opgespoor word nie. Nicolaas is op 5 Januarie 1926 in die Algemene Hospitaal in Johannesburg oorlede. Hy was toe 48 jaar oud. Hy en Klein het nie kinders gehad nie.

Dit kom voor asof Nicolaas 'n gemiddelde boerdery aan die gang gehad het teen sy dood, want daar was 316 skape, 72 beeste en 5 perde in die boedel. Die boedel was R2872 groot.




Klein trou te Lichtenburg met Cornelis (Cornelius) van der Merwe. Hy is omstreeks 1889 gebore. Hy was voorheen getroud en daar was twee seuns, Jacobus Abraham en Daniel F.P. uit 'n vorige huwelik⁴⁸. Cor was 'n onderwyser.

Cor en Klein se laaste testament is gemaak terwyl hulle in 1945 te Randfontein in die Distrik Krugersdorp gewoon het. Hulle het blybaar daarna na Rustenburg getrek. Die laaste adres op haar man se sterfkennisgiving is Von Wiellighstraat 27, Rustenburg.

Cor is op 15 Julie 1965 oorlede in die Paul Kruger Gedenkhospitaal te Rustenburg⁴⁹. Klein oorleef hom en daar kon nog nie vasgestel word wanneer sy gesterf het nie.

Johanna Jacoba van der Walt (g4)

(1893 – 1976)



Oriëntasie

Johanna Jacoba, ook Pollie genoem, is in 1893 gebore en was 83 jaar oud toe sy oorlede is in 1976.

Toe Pollie 19 jaar oud was, trou sy met Albert Deysel wat toe 22 jaar oud was. Albert is gebore in 1890 en was 78 jaar oud toe hy in 1968 oorlede is. Albert was 'n onderwyser, besigheidsman en Lid van die Volksraad.

Hulle het drie kinders gehad.

Genealogiese gegewens

g4 VAN DER WALT, Johanna Jacoba: *Krugersdorp Dist. 29.7.1893⁵⁰; †Delmas Dist. 5.8.1976⁵¹. ID 930729 0001 00 7⁵².

x Heidelberg Tvl. GK 24.12.1912⁵³: DEYSEL, Albertus Johannes Barend: *Potchefstroom Dist. Klipplaatsdrift⁵⁴ 23.2.1890⁵⁵; †Springs 21.7.1968⁵⁶. Seun van Frederik Francois DEYSEL en Margaretha Cornelia DU PREEZ.

Lewensloop

Pollie is op 29 Julie 1893 gebore in die Krugersdorp Distrik. Sy is, as derde dogter, vernoem na haar ma. Sy was 8 jaar oud toe sy, saam met haar gesin, in die konsentrasiekamp te Howick opgeneem is op 26 Januarie 1901 en het daar gebly tot 24 Oktober 1902. Pollie word groot in Heidelberg Tvl., waar haar ouers woon.

Op 24 Desember 1912 trou ds. Petrus Postma die 19-jarige Pollie met die 22-jarige Albertus Johannes Barend Deysel op Heidelberg Tvl. in die Gereformeerde Kerk. Albert is gebore in die Potchefstroom Distrik op 23 Februarie 1890.

Albert koop op 26 Januarie 1921 'n gedeelte van Erf 80, Heidelberg Tvl. en verkoop dit weer in 1935⁵⁷.

Albert Deysel was 'n onderwyser en hulle het in 'n stadium in Aucklandpark gewoon. Hy was vanaf 1931 tot 1934 die voorsitter van die Bond van Jongeliedeverenigings in Transvaal – die jeugverenigings van die Gereformeerde Kerk. Dit was 'n baie moeilike tyd met die groot depressie en baie van die verenigings moes hulle werk tydelik staak omdat die lede nie die plase kon verlaat nie. Die mense was in die algemeen brandarm en werk was skaars. In 1933 verskyn Die Bybel in Afrikaans en die Bond leen geld aan 'n aantal verenigings sodat hulle die vertaalde Bybel kan koop.

In 'n stadium het Albert hom ook in die besigheidswêreld begewe en het hy begin om groot bates op te bou. Hy het ook in die politiek belanggestel en was later as Nasionale Party-verteenwoordiger 'n Lid van die Volksraad vir die kiesafdeling Geduld in Springs.

Albert en Pollie het drie kinders gehad:

- Johanna Jacoba van Niekerk (geb. Deysel) – Johanna.

- Frederik Francois Deysel - Frikkie. Hy was Lid van die Provinciale Raad in Transvaal.
- Johannes Lodewyk Deysel – Johan.

Albert is op 26 Julie 1968 op Springs oorlede. Hy was 78 jaar oud. In daardie tyd gee Pollie haar adres op as Kentsirkel 187, Petersfield, Springs. Albert se boedel bedra R383 192 wat vir daardie tyd 'n groot som geld was. Sy bates het hoofsaaklik uit aandele bestaan.

Pollie het blybaar in 'n stadium na die Delmas Distrik verhuis. Daar is sy op 5 Augustus 1976 oorlede. Haar boedel bedra R232 868 waarvan die grootste gedeelte aandele was. Dit het onder andere aandele in Bonuskor, Kaap Kunene, Msauli Asbes, Suiderland en Volkskas asook Eerste Nasionale Tee- en Koffiefabrieke ingesluit.⁵⁸

ORIGINEEL REGISTER.										
<i>Huwelijksbevestiging te Heidelberg</i>		<i>District Heidelberg</i>								
No.	Wanneer gehuw'd.	Volle naam der gehuwden.	Ouder-dou.	Waar geboren.	Conditie.	Met of zonder Huwelijks voorwaarden.	Woonplaats tijdens het Huwelijk.	Na huwelijks afstandeling of Licentie.	Met wie na concurr.	Aanmerkin- gen.
6 24	Decembr 1912	Albertus Johannes Baend Deysel	22	Klipplaatdorp, Jonkershoek, Tol.	Jonkershoek, Tol.	Zonder	Heidelberg	Familie	Eigen	
		Johanna Jacoba van der Walt	19	Kuyersdorp, Jonkershoek, Tol.	Jongen	Zonder	"	Huwelijks	Toestemming van Onders	

Dit Huwelijk is bevestigd door mij op heden, den
24^{de} dag van December 1912

In tegwoordheid der ondergetekende getuigen:

Ongetekend:

A. J. B. Deysel
A. J. B. Deysel

J. P. Potma
J. P. Potma
Predikant.

J. J. van der Walt
J. J. van der Walt

Uittreksel uit die Huweliksregister van die Gereformeerde Kerk Heidelberg Tvl.

Susanna Lyseia van der Walt (g5)

(1895 – 1955)



Oriëntasie

Susanna Lyseia, ook Poppie genoem, is gebore in 1895 en oorlede in 1955 toe sy 60 jaar oud was. Sy trou met Pieter⁵⁹ Vermeulen oor wie daar baie min gegewens beskikbaar is. Hulle het twee dogters gehad.

Genealogiese gegewens


g5 VAN DER WALT, Susanna Lyseia (Ook gegee as Lucia en Lesea): *Transvaal 5.10.1895⁶⁰; ≈Heidelberg Tvl. GK 1.12.1895⁶¹; †Krugersdorp Hospitaal 21.12.1955⁶².

× Heidelberg Tvl. en ÷ Johannesburg 11.3.1953⁶³: VERMEULEN, Pieter Jacobus Gerhardus.

Lewensloop

Poppie is op 5 Oktober 1895 gebore en is gedoopt in die Gereformeerde Kerk Heidelberg Tvl. op 1.12.1895. Die doopgetuies was Piet Cornelis van der Walt en Susanna Lasea van der Walt. Sy dra dieselfde name as die ouer suster van haar pa wat ook 'n doopgetuie was.

Sy was 6 jaar oud toe sy, saam met haar gesin, in die konsentrasiekamp te Howick opgeneem is op 26 Januarie 1901 en het daar gebly tot 24 Oktober 1902. Poppie word groot in Heidelberg Tvl. waar haar ouers woon.



Poppie trou met Pieter Jacobus Gerhardus Vermeulen. Daar kon tot dusver nie veel gegewens oor Pieter bekom word nie.

Poppie en Pieter het twee dogters gehad:

- Johanna Jacoba, getroud met dr. Jakobus Johannes Pieterse.
- Margaretha Susanna Magdalena, getroud met ene H Treurnicht.

In 'n stadium dagvaar haar man haar vir kwaadwillige verlating en hulle skeiding tussen tafel en bed word op 11 Maart 1953 van krag. In die geding het hulle 'n skikking bereik dat Pollie bepaalde meubels, eetgerei en breekware, 'n klavier en radiogram asook 'n naai- en knoopmasjien uit die boedel verkry. Sy kry ook die huis en erf bekend as Lot 6 van Erf 64, Ottostraat, Krugersdorp, wat op 7 November 1924 in haar man se naam geregistreer is⁶⁴. Ten tyde van haar dood het die erf en huis reeds van eienaar verwissel, want daar word geen vaste bate op haar inventaris aangetoon nie.

Poppie is oorlede in die Proviniale Hospitaal te Krugersdorp op 21 Desember 1955. Die oorsaak van haar dood word op die sterfesertifkaat aangedui as koronêre trombose⁶⁵. Sy bemaak al haar besittings aan haar twee dogters. Haar boedel, voor die aftrekking van kostes, het £2067.3.1 bedra.

Daniel Jacobus van der Walt (g6)

(1898 – 1965)



Oriëntasie

Danie is gebore in 1898 en is oorlede in 1965 toe hy 66 jaar oud was. Hy trou met Lettie Van der Merwe. Hulle het blybaar nie kinders gehad nie.

Genealogiese gegewens

g6 VAN DER WALT, Daniel Jacobus; *Heidelberg, Tvl. c. 11.1898⁶⁶; †Bank Dist. Oberholzer 12.1.1965⁶⁷.

x Potchefstroom: VAN DER MERWE Aletta Elizabeth.

Lewensloop

D.J.van der Walt.

Danie is omstreeks 1898 gebore te Heidelberg Tvl. Hy is, as tweede seun, vernoem na sy oupa Strydom aan moederskant.

Hy was 2 jaar oud toe hy, saam met die gesin, in die konsentrasiekamp te Howick opgeneem is op 26 Januarie 1901 en het daar gebly tot 24 Oktober 1902. Danie word groot in Heidelberg Tvl. waar sy ouers woon.

A.E.van der Walt.

Danie trou met Aletta Elizabeth van der Merwe. Daar kon tot dusver nie verdere gegewens oor haar opgespoor word nie, behalwe dat sy van Sannieshof afkomstig was. Hulle het nie kinders gehad nie.

Danie het grond in Heidelberg Tvl. bekom en verhandel⁶⁸. In enkele gevalle is daar aangedui dat die eiendom uit die boedel van die "late" Daniel Jacobus van der Walt kom, maar daar kon geen verklaring daarvoor bekom word nie⁶⁹. Die eiendom is in daardie gevalle aan bekendes verkoop en daar kon nie in die geslagsregisters nog 'n Daniel Jacobus gevind word wat inpas by die tydvak nie. Hy erf in 1934 drie gedeeltes van Erf 80 van sy vader en verkoop dit weer in 1934 en 1935. Hy het ook ander gedeeltes van Erf 80 gekoop en verkoop.

Daar kon baie min gegewens oor Danie en Aletta tot dusver opgespoor word. Die enigste dokumente wat opgespoor kon word was dié wat verband hou met sy boedel.

Danie sterf op Bank in die Distrik Oberholzer op 12 Januarie 1965 in die ouderdom van 66 jaar. Hulle woonplek by die afsterwe van Danie was Oog van Wonderfontein, Posbus 29, Pk. Bank. Die adres is ook deur sy ouer broer, Andries, gebruik in 'n stadium.

In Danie se boedel was daar, onder andere, gedeelte 116 van die Oog van Wonderfontein, 'n 1963 Vauxhaul stasiewa, 'n 1954 Ferguson trekker, 'n 0.25 pistool, 'n Winchester 0.22 geweer en 'n enkelloop haelgeweer. Aletta erf alles en beredder die boedel.

- ¹ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Potchefstroom: Uitgewery Lochwalt. ISBN 0 62023 218 8. Bl. 495/711.
- ² GKSA Argief. Doopregister Middelburg KP 4.1.1.
- ³ TAB MHG 83313.
- ⁴ Du Preez, R. J.
- ⁵ GKSA Argief. GK Heidelberg Tvl. Huweliksregister.
- ⁶ Geskrewe geslagsregister van enkele Strydom gesinne. Afskrif in besit van skrywer.
- ⁷ TAB MHG 72272.
- ⁸ Du Preez, R. J.
- ⁹ Visagie, J. C. 2000. *Voortrekkerstamouers*. Pretoria: Universiteit van Suid-Afrika. ISBN 1 86888 060 5. Bl. 229.
- ¹⁰ Visagie, J. C. 2000. *Voortrekkerstamouers*. Bl. 131
- ¹¹ Oberholster, J.P. *Die Slag van Bloedrivier. Manskappe in die laer*. Gepubliseer in webwerf *Die Groot Trek*. http://www.groottrek.co.za/manskappe_01.htm. Geraadpleeg Junie 2010.
- ¹² TAB RAK 1530.
- ¹³ TAB MHG 83313.
- ¹⁴ TAB RAK 1530.
- ¹⁵ TAB RAK 1530.
- ¹⁶ Strydom, Mnr. M.J. Onderhoude.
- ¹⁷ Strydom, Mnr. M.J. Onderhoude.
- ¹⁸ Du Preez, Mnr. J.L. Onderhoude.
- ¹⁹ Ferreira, O J O: *Viva os Boers!* Protea Boekhuis, Pretoria. Tweede Uitgawe, 2000. ISBN 1-919825-07-X. Bl. 34.
- ²⁰ Ferreira, O. J. O. 2000. *Viva os Boers!* Die verhaal oor Peniche is geneem uit die bron.
- ²¹ TAB DBC 112 Howick. Bl. 161.
- ²² TAB DBC 112 Howick. Bl. 161.
- ²³ TAB MHG 83313.
- ²⁴ GKSA Argief. GK Heidelberg Tvl. Huweliksregister.
- ²⁵ Noemnaam onbekend. Gebruik eerste naam.
- ²⁶ TAB MHG 10098/75.
- ²⁷ TAB MHG 10098/75.
- ²⁸ Kruger, Barry. 2007. *Die Kruger-familie van Suider-Afrika*. GGSA CD nr. 023. ISBN 978-0-620-40025-1. Daar is twee moontlikhede op die Kruger-CD:
- 2.1 Bl. 470: Anna Martha Catharina Kruger, * 1893, Kind van Tjaart Andries Kruger en Anna Maria Barendina Steyn.
- 2.2 Bl. 615: Anna Martha Catharina Kruger, * 22.10.1892, ~ GK Rustenburg 10.1.1893. Kind van Michiel Andries Kruger en Maria Johanna Snyman.
- ²⁹ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 495/711.
- ³⁰ TAB MHG 10098/75. Volgens die huwelikskontrak wat in die boedel ingesluit is, word die kontrak op 17 Maart 1920 gesluit.
- ³¹ TAB MHG 10098/75.
- ³² Dit is nie noodwendig dat die geboorte op die dorp plaasgevind het nie. Dit kon ook op 'n plaas in die distrik plaasgevind het, soos bv. Misgund.
- ³³ TAB RAK 1503 en 1506.
- ³⁴ GKSA Argief. GK Heidelberg Tvl. Lidmaatregister 3.1.2.
- ³⁵ GKSA Argief. GK Heidelberg Tvl. Lidmaatregister 3.1.2.
- ³⁶ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 495/711.
- ³⁷ TAB MHG 10098/75. Kom nie voor in Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. nie.
- ³⁸ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 496/711.
- ³⁹ TAB MHG 10098/75.
- ⁴⁰ Noemnaam onbekend. Gebruik eerste naam.
- ⁴¹ GKSA Argief. Doopregister Heidelberg Tvl. 4.1.2.
- ⁴² GKSA Argief. Doopregister Heidelberg Tvl. 4.1.2.
- ⁴³ Sy oorleef haar tweede man.
- ⁴⁴ TAB MHG 59086. Die geboortedatum word vermeld in 'n testament.
- ⁴⁵ TAB MHG 59086.
- ⁴⁶ TAB MHG 5691/65.
- ⁴⁷ TAB RAK 1503.
- ⁴⁸ TAB MHG 5691/65.
- ⁴⁹ TAB MHG 5691/65.
- ⁵⁰ TAB MHG 11560/76. Identiteitsnommer verstrek: 930729 0001 00 7.

⁵¹ TAB MHG 11560/76.

⁵² TAB MHG 11560/76.

⁵³ GKSA Argief. Huweliksregister Heidelberg Tvl.

⁵⁴ GKSA Argief. Huweliksregister Heidelberg Tvl.

⁵⁵ TAB MHG 7848/68.

⁵⁶ TAB MHG 7848/68. Die datum kan ook gelees word as 26.7.1968.

⁵⁷ TAB RAK 1530.

⁵⁸ TAB MHG 11560/76.

⁵⁹ Noemnaam onbekend. Gebruik eerste naam.

⁶⁰ GKSA Argief. GK Heidelberg Tvl.: Doopregister 4.1.2

⁶¹ GKSA Argief. GK Heidelberg Tvl.: Doopregister 4.1.2

⁶² TAB MHG 150/56.

⁶³ TAB MHG 150/56.

⁶⁴ TAB MHG 150/56.

⁶⁵ TAB MHG 150/56.

⁶⁶ Bereken volgens sterfdatum en –ouderdom.

⁶⁷ TAB MHG 1086/65.

⁶⁸ TAB RAK 1530.

⁶⁹ Die eiendomsregister dui aan dat grond uit sy boedel verkoop is op 31 Augustus 1934, maar dui ook 'n gewone verkoop van 'n gedeelte van Erf 80 aan Roelf du Preez op 12 Januarie 1935 aan.